

DOLIPOS ALTO FARMERS ASSOCIATION

Dolipos Alto, Oroquieta City

BATAKANG BALAO

Kami, mga miyembro sa Dolipos Alto Farmers Association nga lumulopyo sa Barangay Dolipos Alto Oroquieta City, Misamis Occidental, sa panabang sa kahitas-an ug kagamhanan magahugpong nga maoy magdala sa mga pangandoy ug kaugnaran, magdumala sa proyektong ubos sa prinsipyo sa hustisya, kalinaw, kaangayan pagpatunhay sa among katungod, kami maghimo ug mosagop niining batakang balaod.

ARTICLE I

NGALAN, MATANG, NAHIMUTANGAN UG KATUYU-AN SA KAPUNUNGAN

Section 1. Kining kapunongan paganganlan ug Dolipos Alto Farmers Association ug kini nahimutang sa Barangay Dolipos Alto, Oroquieta City, Misamis Occidental.

Section 2. Kining kapunongan usa ka sibiko, walay capital nga aksyon sa mga miembro, dili nagpaginansya ug walay secta kon relihiyon nga gidapigan.

Section 3. Ang katuyoan ning maong kapunongan mao kining mosunod:

1. Paglig-on, panaghugpong sa kapunungan sa mga mag-uuma

Pagdasig sa pag apil sa mga miyembro sa kapunungan.

Pagpasiugda sa mga pagtuon ug pagbansay para sa mga mag-uuma sa:

- a. Hustong pamatasan o gawi
- b. Himsog nga panglantaw ug limpyo nga palibot.
- c. Hustong pagdumala sa panimalay.

Dugang pagtu-on ug pagbansay sa mga opisyaales sa kapunungan.

Pagpakiglambigit ug pag-apil sa kalihukan sa uban grupo sa mag-uuma.

2. Pagpasiugda sa mga proyekto ug programa para sa dugang kita sa pamilya sama sa:

- a. Organic Fertilizer – Vermi Culture
- b. Vegetable Gardening
- c. Flower Gardening

3. Pagpatunhay sa kahusay ug kalinaw sa pamilya.

Pagpasiugda sa tigum ug panagsabot sulod sa pamilya.

Hiniusang pagplano alang sa kalambuan sa pamilya.

Pagklaro sa tahas ug buluhaton sa tagsatagsa ka sakop sa pamilya.

ARTICLE II MEMBERSHIP

- Section 1. Ang ginsakpan niining kapunongan pagalimitahan lamang sa mga lumulopyo niining maong lugar sa Barangay Dolipos Alto, Oroquieta City, Misamis Occidental.
- Section 2. Ang pagka miembro dili pinugos ug kinahanglang sinulat.
- Section 3. Ang bag-ong miembro kinahanglan mapasabot sa mga panglantaw (Vision), Tahas (Mission), Tumong (Goals), Polisiya ug prinsipyo sa kapunongan.

ARTICLE III MEMBERSHIP FEE, DUES, FUNDS

- Section 1. Matag miembro magbayad ug P50.00 nga membership fee ug P5.00 nga monthly dues sa dihang dawaton siya isip miembro sa kapunongan.
- Section 2. Tanang multa sa miembro, amot ug ubang donasyon: absent, kinahanglan ibutang isip General Fund sa kapunongan.

ARTICLE IV SUSPENSION/TERMINATION SA MEMBRO

- Section 1. Tulo (3) ka sunod-sunod nga dili pagtambong sa tigum ug buluhaton nga walay pagtugot sa mga opisyaes, padalhan siya ug warning letter guikan sa opisyaes sa kapunongan.
- Section 2. Pagpanghilabot sa mga kabtangan sa pundok ug sa miembro.
- Section 3. Dili pagtuman sa mga lagda o polisiya sa pundok.

ARTICLE V KATUNGOD UG KATUNG DANAN SA MGA MIEMBRO

- Section 1. Ang katungod sa miembro mao kining mosunod:
- a. Pabuto sa tanang butang nga may kalabutan sa kapunongan.
 - b. Mahimong magpapili ug pagpili isip opisyal sa kapunongan.
 - c. Pagapaminawon ang hunahuna ug gibati sa tanang butang nga gihisgutan.
 - d. Mahimong modawat sa tanang hinabang o kaayuhan nga igahatag sa kapunongan ngadto sa miembro sa walay pagpihig o pagdili human matuman ang mga gikinahanglan nga rekisitos.
 - e. Pagsusi sa record sa kapunongan panahon sa ting-trabaho ug ting-opisina.
 - f. Pagpetesyon sa kapunongan tungod sa mulo ug reklamo.

- Section 2. Ang mga katungdanan sa usa ka miembro mao kining mosunod:
- a. Pagtambong sa tanang tigum, seminars, comperensya nga gipasiugdahan sa mga pangulo sa atong assosasyon.
 - b. Pagbayad sa monthly dues ug uban pang bayranan sa pagtuman sa tanang obligasyon.
 - c. Pagtampo ug sebisyo personal ngadto sa kapunongan kon gikinahanglan.

- Section 3. Ang obligasyon sa matag miembro mao kining mosunod:
- a. Pagsunod ug paglaban sa batakang balaod sa Pilipinas ingon man sa tumong ug kaayohan sa kapunongan.
 - b. Pagtuman sa mga katungdanan pagkamiembro ug pag-ila sa iyang pagkamiembro ug katungdanan kumo sinaligan ug siya mismo ang gisaligan.
 - c. Paghalad ug pagpahimutang sa iyang kaugalingon alang sa serbisyo sa nasud ug sa katawhan.
 - d. Pagtuman sa tukma ug kamatinud-anon sa tanang obligasyon, panalapi, pagtulon-an o sa pagka-miembro sa kapunongan.
 - e. Pagpatunhay sa kauban nga miembro ug sa uban pang kapunongan dinhi sa atong nasud o didto sa gawas ug pagtabang sa ilang panginahanglan.

ARTICLE VI OPISYALES

- Section 1. Kining maong kapunongan may mga opisyaes nga gilangkuban sa Presidente, Vice Presidente, Secretary, Treasurer, Auditor ug PIO.

Section 2. **MGA BULUHATON SA MGA OPISYALES.**

- a. Ang Presidente mao ang hepe ehekutibo sa assosasyon. Siya ang mangulo sa tanang panagtagbo sa tanang tigum sa assosasyon. Siya ang tinugyanan sa assosasyon sa tanang higayon ug sa tanang butang diin ang pakigtugyan gikinahanglan. Siya magtimbang-timbang sa tanang gastos nga pagabayaran sa treasurer sa assosasyon. Siya ang magbuhat sa uban buluhaton nga ipabuhat ug itugyan ngadto kaniya sa assosasyon.
- b. Ang Besi-Presidente nagbuhat sa mga buluhaton sa Presidente kon sanglit ang naulahi mopalta, mamatay, may kabilinggan o moluwat sa katungdanan. Siya ang Chairman sa edukasyon ug sa training committee. Siya magbuhat sa mga buluhaton nga ipabuhat ug itugyan ngadto kaniya sa assosasyon.
- c. Ang tresurero maoy motipig kon magtago sa tanang pondo nga salapi, modawat ug mobayad human maatorisahi sa Presidente sumala sa pagtugot sa assosasyon. Siya ang maghipos sa tanang resibo ug mohimo sa "Financial Statement" ug kini nagkinahanglan sa pagtugot kon pag-aprobar sa auditor. Maghimo siya ug report

bahin sa pundong salapi, propiedad ug uban pang kabtangan nga gipanag-iyá sa kapunungan.

- d. Ang auditor maoy maghimo ug lagda kon pamaagi o reglamentos ug magtugyan alang sa pagtugot sa assosasyon, mahitungod sa disbursement sa pundong salapi. Mag certify sa kamatuod sa mga reports sa tresorero, maghimo ug tinakdang pagsusi (Audit).
- e. Ang PIO mao ang tigpahibalo kung adunay mga panagkatigom ug mubuhát sa mga butang nga iasayn kaniya sa president.

ARTICLE VII PANALAPI UG TINUBDAN

Section 1. Ang panalapi sa organisasyon kuhaon gikan sa:




- a. Bayad sa miembro
- b. Amot
- c. Donasyon
- d. Subsidies
- e. Grants ug aids, local, nasyonal o internasyonal
- f. Ubang legal nga pamaagi




ARTICLE VIII AMENDA




Section 1. Ang batakang balaod mahimong amendahan o usbon sa boto nga $\frac{3}{4}$ sa tanang nahitala nga miembro ug mitambong sila sa naasoy nga assemblya heneral.

ARTICLE IX EFFECTIVITY

Section 1. Kini nga batakang-balaod moepekto human mopirma ang mga sakop sa kapunungan niining ika 05 sa bulan sa Octubre 2015 dinhi sa Dolipos alto, Oroquieta City, Philippines.


Mamerto R. Terez
President

Elena M. Osilao
Treasurer

Noel M. Dacop
PIO


Vicente G. Dacop
Vice-president

Mila L. Caberte
Auditor

Arnold C. Barredo
Sgt. at Arms


Helen P. Amboang
Secretary

Nilo N. Sunogan
PIO

Gil J. Magsayo
Sgt. at Arms